

一代宗師歐豪年先生贊文

維中華民國壹百壹拾參年九月八日，夏曆八月初六日，適值
歐公豪年九秩冥誕，擎天藝術群假國立臺灣藝術大學舉辦
歐豪年教授紀念特展開幕典禮，及門暨私淑弟子，知友後學，謹以心
香禮贊

歐公之靈前曰：

猗歟歐公，嶺表高風。挺生茂名，靈氣所鍾。泰山北斗，德峻望崇。
依仁游藝，譽播寰中。文化大學，掌教黌宮。受知當軸，禮遇尤隆。
筆參造化，萬象羅胸。丹青不朽，藝苑稱雄。詩宗李杜，畫振折衷。
擎天立幟，化雨春風。言傳身教，膏潤養蒙。芬芳桃李，多士名宏。
文存詩草，藻采妙工。等身著作，流遠明通。遽聞噩耗，寓所考終。
國失瑰寶，士喪黃鐘。臺灣藝大，策展寅恭。停雲落月，哀念無窮。
先生學養，博雅圓融。先生彩墨，光耀蒼穹。為文禱告，鑒斯虔衷。

後學 黃昭豐恭撰